

**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Observationes in Cap. XII. De Nuptiis, seu de Matrimonio.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

Tituli I. Lib. IV. circà solum Matrimonium versantis: sic, eum conceperunt de *Sponsalibus*, & *Matrimonio*; hac distinctione expressa significantes, se prius verbum *Sponsalia*, accipere pro mera promissione, sicut verbum *Matrimonium*, pro Contratu Nuptiarum.

Denique observandum est, Sponsalium Divisionem, in *Sponsalia de Præsentis*, & *Sponsalia de Futuro*, non esse accuratam: nam verbum *Spondere*, à quo *Sponsalia*, significat promittere; promissio autem semper respicit futurum, in quo differt ab aliis Costrictibus, qui tradunt actualiter id, quod eorum materia est; è quodrum numero est *Matrimonium*: itaque, convenienter appellari nequit *Sponsalia de præsenti*; nam hæc expressio contradictionem involvit, cùm significet, Partes, se promittere, & tradere se simul eodem tempore: porrò si sit *Donatio*, non est Promissio, & si sit Promissio, non est *Donatio*. Quod observavimus circà verbum *Sponsalia*, locum habet quoque erga verbum *Sponsa*, quod significat *Promissam*, & *Uxorem*: *Promissam*, si jungantur verbis *de futuro*: *Uxorem*, si adjiciantur verbis *de præsenti*. Confusio hac orta esse videtur ex eo, quod antequam *Matrimonium* foret *Sacramentum*, Partes vocabantur *Sponsus* & *Sponsa*, usque ad consummationem, & pactum aliquando siebat per verba, quæ tempus præsens significabant, & tunc erant *Sponsus* & *Sponsa de præsenti*; interdum per verba, quæ futurum significabant, & hoc in casu erant *Sponsi de futuro*: deinceps, *Matrimonio* ad *Sacramenti* dignitatem evecto, eadem locutio conservata fuit; quamvis *Matrimonium* fieret cum *Ceremoniis Sacris*, quæ non adhibebantur in *Sponsalibus*. Sic exponentum est id, quod Autor dicit in *Quæst. III. Canones usurpare verba hæc, Sponsalia & Nuptias*, velut *Synomina* & *probationes*, quas è *Gratiiano* desumit, & quæ ostendunt, *Sponsos* vocari Conjuges ante consummationem, sive conventione per verba de *præsenti*, sive per verba de *futuro* initia sit.

His observatis; jam ad promissum exemplum venimus: illud est in *Quarta*, quæ loquitur de causa *Sponsaliorum*. Posteaquam Autor dixit, consensum esse *Sponsalium*, sicut & *Matrimonii*, substantiam, sed non omnem consensum sufficere ad hunc effectum; exponit id, quod respicit consensum per *Exceptiones XI.* & in *Primâ*, sumptu ex eo quod Personæ prohibeant contrahere inter se *Sponsalia* & *Matrimonium*, congerit *Replicationes Duplicaciones*, *Tripli-cationes*, *Quadriplications*, sine quibus Argumentum luculententer exponere potuisset, statuendo pro Principio ac Regulâ, 1. *Sponsalia* cum *Matrimonio* convenire in omnibus, excepto quod siebant post septem annos completos, *Matrimonium* requirit Duodecim annos completos in *Puellis*, & Quatuordecim in *Masculis*. 2. *Sponsalia* sub conditione fieri possunt, medò hæc non sit contraria substantia *Matrimonii*, & conditio suspedit conventionem, ita, ut hæc corrueat, si conditio non impleatur; nulla autem est conditio, quæ *Matrimonium* suspendat, & si apponantur, vel *Matrimonium* est nullum, v. gr. cum conditio ejus substantia contraria est; vel habentur pro non appositis.

3. *Sponsalia* fieri possunt ad tempus determinatum, quo elapsi, evanescit obligatio. Multa olim fuere *Loca*, in quibus 40. diebus duntaxat constiterent. Hodie in Galliis annua sunt tantum, *Matrimonium* ex natura sua perpetuum est.

4. *Sponsalia* dissolutioni obnoxia sunt, non solum per conditionis defectum, & temporis lapsum, sed etiam 1. per Impedimentum subsequens. Puta Affinitatem, Cognationem Spiritualem, Impotentiam. 2. Per Fornicationem. 3. Lepram, 4. Paralysem. 5. Disformatatem. 6. *Matrimonium* subsequens cum aliis Personis. 7. Votum simplex. 8. Receptionem Ordinis Sacri. 9. Consensum reciprocum. 10. Mutationem voluntatis in una ex Partibus. Porrò *Matrimonium* semper indissolubile est, quilibet sequatur eventus.

5. Hodiè compelli non possunt *Affidati*, ad implendam *Sponsalium* obligationem: sunt autem viæ quibus Conjugati cogantur ad implendam obligationem reciprocum.

6. Post Concilium *Tridentinum*, Impedimentum honestatis publica è *Sponsalibus* proveniens, ad primum gradum contractum est; & ea, quæ nulla sunt, undecimque nascuntur nullitas, non operantur hoc Impedimentum: nihil autem in *Matrimonio* immutatum fuit, quoad hæc Duo Capita.

7. Unicus Testis ad *Sponsalium* dissolutionem sufficit; duo requiruntur quoad *Matrimonium*.

8. In priore Casu, per viam denunciationis; in posteriore, per viam accusationis proceditur.

Nihil est in Exceptionibus & earum sequelâ, *Sponsalibus* peculiare, quod non reperiatur in prædictis dñicribinibus: cætera communia sunt *Nuptiis* & *Sponsalibus*. Tales sunt v. gr. nullitates, quæ proveniunt vel ex defectu ætatis, vel ex defectu libertatis in consensu; & ratihabitio, quæ fit per consensum subsequenter, ætatem, & *Sponsalia*, aut *Matrimonium*. Causæ, quæ privant libertate necessariâ ad *Matrimonium*, admittunt eam, quæ requiritur ad *Sponsalia*; nempe vis, & seductio; illa ad utrumque vinculum recuperatur iisdem viis, quæ sunt cessatio harum causarum: idem remedium in utroque casu adhibetur, nempe, sequestratio Partium, quæ periculo seductionis aut coactionis subjacent. Eadem Impedimenta, exceptâ ætate, cædem Regulæ, Canones & Leges: Idem Jūdex Ecclesiasticus aut Secularis pro qualitate materiæ. Ratio harum similitudinum est evidens; nam *Sponsalia* sunt *Matrimonium* inchoatum; & *Matrimonium*, *Sponsalia* completa. Ceterum id, quod hucusque de *Sponsalibus* diximus occasione *Compilationis Autoris* hoc in Capite, adeò scitu necessarium est, ut sufficienter edisci nequeat id, quod ad ea pertinet, ab eis, quæ non reperiuntur in quibus agit seorsim de *Matrimonio*.

REGULÆ Questionis V. quæ est circâ Usus & Poenæ *Sponsalium*, parum utiles sunt: nam *Excommunicatio triennalis*, de quâ loquitur *Reg. II.* abrogata est. *Actio contrâ Personam*, quæ *Sponsalia* perficere resusat, hodie resolvitur in id, quod interest.

OBSERVATIONES in CAP. XII. de NUPTIIS, sæc de MATRIMONIO.

Dividitur in *Questiones VI.* versantes circâ Definitiōnem, Etymologiam, Divisionem, Finem, Ufum & Dignitatem *Matrimonii*, Opposita, Eventus & Consectaria; ubi agitur, de Solemnitatibus, de Effectibus, & Poenis. *Regule* in singulas indicant solum Textus Argumento affines.

Loquendo de Etymologiâ Nominum *Matrimonio* impositorum, omittitur Etymologia *Conjugii*, desumpta ex *jugo* Partibus communi.

Prima Divisio falsa est; nam *Matrimonium Inchoatum* nihil aliud est, quam *Affidatio*, quæ est solum via, quâ pervenitur ad *Matrimonium*; *Nuptia* consistunt in Desponsatione, quæ vocatur *Matrimonium ratum*, seu *completum* & *stable*.

Secunda Divisio expositione indiget; *Matrimonium Ratum* & *Legitimum* illud est, quod *Canonibus* & *Legibus* congruit. *Matrimonium Ratum* & non *Legitimum* illud est, quod secundum *Canones*, non vero secundum *Leges* est. Hæc duo Membra respiciunt solum Christianorum *Matrimonia*, quæ ut valida sint, *Canonibus* & *Legibus* conformari debent in eis, quæ substantia sunt. Ipsorum contrarietas cum alterutri *Regulâ* circâ Accidentalia, eorum validitati non obstat; unde fit, ut plura *Matrimonia Sacros effectus habeant* & *ca-reant effectibus Civilibus*, qui respiciunt *Conventions*

Matri-

Matrimoniales: plura hujus rei sunt exempla in Galliis. Declarat. an. MDCXXXIX. art. 5. & 6.

Matrimonium *Legitimum*, & non *Ratum*, est id, quod secundum Leges contrahitur; non vero secundum Canones, qui substantiam ordinant: nempe Materiam, & Formam, quibus locum non habentibus in Matrimonio Infidelium, oportet, ut eorum Matrimonium *Legitimum* esse possit, licet *Ratum* non sit.

Quod dicitur de *Fine*, imperfectum est; nam Matrimonium institutum fuit, non solum ad procreationem Liberorum, sed etiam ad prævenienda peccata incontinentia, & ad reciproca auxilia Partium, quoad hanc vitam, & quoad futuram. Vid. REG. I. Quæst. IV. *Regula* sequens, qua dicit, Matrimonium esse bonum Concupiscentiarum usum, pertinet ad primum finem; nam usus Matrimonii relatus ad procreationem Liberorum, est primus bonus usus Concupiscentiarum; secundus bonus usus est, eam contineare intra limites Matrimonii. REG. III. melius collocata fuissest sub Quæst. V. in qua Virginitas opponitur Matrimonio; haec autem *Regula* loquitur de comparatione Matrimonii cum Virginitate: Præterea, *Regula* haec nec finem, nec usum, nec dignitatem Matrimonii respicit, quod est Argumentum Quæst. IV.

QUÆSTIO VI.

Loquendo de Solemnitatibus Matrimonii, colligere debuisset omnia, quæ respiciunt Sacramentum, ejus Existentiā, Materiam, Formam, Ministrum; at loquitur solum de Benedictione: tūm, differendo de ejus effectibus, loqui debuisset de jure effectu communī cum ceteris Sacramentis Viventium, nempe incremento Gratiae Sanctificantis, & effectu peculiari ipsius, scilicet jure ad auxilia necessaria, ut sancte impleant obligaciones, quas imponit. Hoc etiam in loco colligendi erant omnes Textus, qui loquuntur de proclamationibus Bannorum Matrimonii, unicum laudat REG. IV. Impedimenta miscet cum Solemnitatibus REG. II. III. V.

OBSERVATIONES in CAP. XIII. & XIV. de IMPEDIMENTIS MATRIMONII sub nomine Exceptionum adversus Matrimonium, sumptu- rum ex persona Contrahentium.

Cum plerique Regulae hujus Capitis plures restrictiones patiantur sub nomine Exceptionum, exposita Impedimenta designare debuisset vulgari vocabulo, ad vitandam confusionem, quæ nascitur ex usu crebro verbi equivoci, adhibiti interdum, ad significandum Matrimonii obstaculum, alias ad designandum id, quod in Regulis non continetur.

Quamvis, inter Impedimenta, quædam annihilent Matrimonium, quadam illicitum facient dubitare, Autem utraque permiscet, & eodem modo tractat.

Confundit pravas intentiones, quæ sunt res interiores & abscondita, quas Ecclesia cognoscere non potest, cum Impedimentis, quæ sunt res exteriores subditæ cognitioni Ecclesia. Utrumque virtus genus his duobus Capitibus commune est, in quibus de iisdem Impedimentis, sub nomine Exceptionum, & cum pari confusione disputatur, quæpropter illa coniunximus.

His duobus Capitibus etiam jungenda sunt REG. II. III. IV. V. Quæst. VI. Capit. XII. ubi agitur de Impedimento temporis prohibiti; de Impedimento publicationis, & de Impedimentis in genere, sub nomine Impedimentorum; quæ in re novum se offert exemplum Observationis nostra, Autorem non habuisse ideas distinctas Materia Sacramentorum.

Prater haec virtus, Capita haec caligine & impliante laborant, provenientibus ex Exceptionibus & Tom. I.

Replicationibus: occurrunt quoque repetitiones inutiles. Utriusque defectus vitandi causa, remittere debuisset ad ea, quæ dixit de consensu requisito ad Sponsalia, id, quod adjicit circa consensum necessarium ad Matrimonium, ubi recte exposuit id, quod utrique commune est; item monere, quod, cum consensus Canonicus & legitimus esse debeat, oportet, ut habeat conditiones & qualitates à Canonibus & Legibus praefitutas; defectum cuiuslibet earum ipsum nullum & illicitum simul efficeret, vel simpliciter illicitum; eas conditiones esse Impedimenta, quoad eos, qui eis carent: tūm loqui opus erat, de Impedimentis in genere, & observare quod omnibus commune est; nempe, illicitum facere Matrimonium; aut plerisque; scilicet, illud insuper annihilare; vel esse è Jure Humano, & proinde obnoxia dispensationi, abrogationi, varietati, sive quoad Tempora, sive quoad Loca; vel nonnullis. v. gr. esse è Jure Naturali, vel ex Jure Divino Evangelico, & proinde indispensabilia, invariabilia, & inabrogabilia, eademque in omnibus Loci & Temporibus: talia sunt error, metus, vis, impotentia, vinculum ex Matrimonio constante & valido proveniens, & aliquot Consanguinitatis gradus. Sic aliquas vitavisset repetitiones, quæ occurrunt in Replicationibus, & consistentes in dispensatione, quæ tollit Impedimentum erga Personas impetrantes, & circa quam fallitur, eam soli tribuendo Pontifici. Post has observationes generales, loqui debuisset de Impedimentis dirimentibus, quæ Matrimonium annihilant, & illicitum faciunt; idque continuâ serie exequi; deinceps, colligere ea, quæ respiciunt Impedimenta merè prohibitiva, quæ illicitum faciunt tantum.

Cum sint Impedimenta, quæ relationes speciales inter se habent, ob rationem observatam, oportebat colligere id, quod commune habent, priusquam singula seorsim enuclearentur: tales sunt Consanguinitas & Affinitas, Impotentia, & Servitus, error circa utrumque, non secus ac circa Personam; Impedimentum nascens ex cohabitatione vetitum, & Impedimentum proveniens ex Adulterio juncto Matrimonio sequenti, vel promissione Matrimonii, vel Conjugicidio, omnia Impedimenta, quæ consensum tollunt, ignorantia, error, seductio, metus, vis, dementia.

Generatim dici debuisset, ac potuisset, de Consanguinitate & Affinitate, priusquam ad singulas transiretur; hanc juxta illam, cuius imitatio est, ordinari; Septem gradus habuisse, cùm illa Septem habebat; contrafacta fuisse ad Quatuor, cùm Tres ab aliis dempti sunt; modum eos computandi eundem esse in Affinitate, atque in Consanguinitate, nempe ascendendo, & descendendo in Linea Directa, tot gradus, quot Personas, quæ in re Jus Canonicum cum Civili coincidunt; in Linea autem Collaterali, tot gradus inter Personas, quot gradus inter illas & stipitem, si in pari distantiâ sint constitutæ; si vero in diversâ, tot gradus, quot inter remotorem & stipitem & stipitem: denique, autoritatem, quæ ea constituit, ea extenderet & contraheret, prout necessarium videtur ad publicam utilitatem, & ab iis in necessitate dispensare.

Observari potuisset ac debuisset, circa Impotentiam, & Servitum, pendere à Parte lèsâ, utrum Matrimonium irritari faciat, an subsisteret finit: de ejus interest agitur, illud persequi aut abdicare potest, conqueriri non potest, nisi defectum ignoraverit, quæ in re idem est de errore circa Personam, ac de errore circa illa duo Impedimenta.

Impedimentum nascens ex Conjunctione illicitâ, duplex est; aliud simplicis Affinitatis; aliud Consanguinitatis: talis est conjunctione Spuriorum cum Liberis legitimis. Impedimentum hoc convenit cum Impedimento, quod vulgo dicitur Impedimentum *Criminis*, quia nascitur ex Criminibus supra memoratis.